

म्हारे एक बड़ो यो अरमान,
की गुरु म्हारो समरत है,
समरत है रे गुरु अमरत है,
म्हारो एक बड़ो यो अरमान,
की गुरु म्हारो समरत है ॥

नहीं जाणु मैं तो जनम मरण को,
नहीं जाणु मैं तो स्वर्ग नरक को,
म्हारे नहीं चौरासी को भान,
की गुरु म्हारो समरत है ।
म्हारो एक बड़ो यो अरमान,
की गुरु म्हारो समरत है ॥

नहीं जाणु मैं तो वेद पुराणन,
नहीं बाची मैंने गीता रामायण,
म्हारे नहीं शास्त्र को ज्ञान,
की गुरु म्हारो समरत है ।
म्हारो एक बड़ो यो अरमान,
की गुरु म्हारो समरत है ॥

नहीं जाणु मैं तो नेम धरम को,
कर सकी मैं तो तीरथ बरत को,
म्हारे नहीं खर्चन को दान,
की गुरु म्हारो समरत है ।

म्हारो एक बड़ो यो अरमान,
की गुरु म्हारो समरत है ॥

लोग कहे के तू क्यो इतरावे,
कई तो पायो जो तू फूल्यो नी समावे,
वा को कई तो करूँ रे बखान,
की गुरु म्हारो समरत है ।
म्हारो एक बड़ो यो अरमान,
की गुरु म्हारो समरत है ॥

नहीं भावे म्हने कोई आडम्बर,
नहीं जाणु मैं तो जादू ने मंतर,
म्हारे एक ही मंत्र महान,
की गुरु म्हारो समरत है ।
म्हारो एक बड़ो यो अरमान,
की गुरु म्हारो समरत है ॥

रोके से भी नहीं रुक पावे,
घणी तो छुपाऊं पर छुप नहीं पावे,
म्हारा बस में नहीं या जिबान,
की गुरु म्हारो समरत है ।
म्हारो एक बड़ो यो अरमान,
की गुरु म्हारो समरत है ॥

नहीं म्हारे खेती ने नहीं म्हारे पाती,
नहीं म्हारे संगी ने नहीं म्हारे साथी,
म्हारे जनम मरण को साथ,

की गुरु म्हारो समरत है ।
म्हारो एक बड़ो यो अरमान,
की गुरु म्हारो समरत है ॥

जहर प्याला ज्याने अमृत बनाया,
साँप टिपारा ज्याने अनत बनाया,
कई जाणे यो सकल जहान,
की गुरु म्हारो समरत है ।
म्हारो एक बड़ो यो अरमान,
की गुरु म्हारो समरत है ॥

कोई यूँ कहे के तने नाग डसेगा,
कोई यूँ कहे के तने जहर चढ़ेगा,
म्हारे शरद पूनम को चाँद,
की गुरु म्हारो समरत है ।
म्हारो एक बड़ो यो अरमान,
की गुरु म्हारो समरत है ॥

कोई यूँ बतावे बेमौत मरेगा,
कोई यूँ डरावे थने जम पकड़ेगा,
म्हारो कई तो करेगा जमराज,
जब गुरु म्हारो समरत है ।
म्हारो एक बड़ो यो अरमान,
की गुरु म्हारो समरत है ॥

म्हारे एक बड़ो यो अरमान,
की गुरु म्हारो समरत है,

समरत है रे गुरु अमरत है,
म्हारो एक बड़ो यो अरमान,
की गुरु म्हारो समरत है ॥

स्वर प्रभु प्रिया जी ।

Source:

<https://www.bharattemples.com/mhare-ek-bado-yo-arman-ke-guru-mharo-samrath-hai/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>